



Peâmmi vu'e'ss

Mõõnni čõõuč miõllsummus ve'rgg'tuâjjan liâ leâmmaž päänai vuâinnmõõžž škooul- kue'sssemreeisain aa'rhelta'rk'kummši õhttvuõđâst. Päänai kõõččmõõžž liâ leâmmaž mäai'mtee'm da tõk liâ kuõskkâm juõ'kk'nallšem aa'sšid " määdđ da ââ'lm kooskast": liâ-a tu'st päänai? Lij-a moddgâs lee'd aa'rhlen? Jiânnai-a aa'rhel teä'nai? Šõõrab škooulnii'kk'i kõõččmõõžž liâ piijjâm muu kõrr sâjja: Mii lij jie'llem õõlgtõs? Mii kiäv mânŋa jää'mmem? Mii lij âaskldõõggâžpââđvuõđ da sää'nnpââđvuõđ kõskkvuõtt? Pue'rmõõzzân mie'ldd leâm kâittam nõkam vai'gges kõõččmõõžžid va'stteeđ.

Škooul kue'sssemreeisain mu'st lij leâmmaž mie'ldd aa'rhelsuâ'bb. Tõn vie'kk'in leâm mainstam aa'rhel tuâjast da tõ'st, štõ aa'rhel kâčča täujja peâmmjen. Aa'rhlest lij suâ'bb, mâ'te peâmmjin Isõõzz poodd Â'ldd-Nuõrttjest. Peâmmi põõzzti suâ'bb nõõđin sue'jjeed čiočkres nääu'din. Suâ'bb keâjjain ohjee'l peâmmi põõzzti ââ'nned čiočkkâr õõutsââ'jest. Suâ'bb pâ'jjkeâjjain peâmmi säättai peâlšted siõmm vuâppsa ka'lliluä'mest. Leâm mainstam, štõ koonn-ne nalla seâmma tue'jjad še aa'rhel peâmmjen. Suõjjad, ohjjad da staan seä'brkoo'ddid da risttumoummid.

Tân rosttov vu'e'lnn peâmmi vu'e'ss lij mainstâttam muu še rosttovanŋe'liumâst. Luukas rosttovanŋe'lium tuõttâđ vuõššân samai lakoonsânji , štõ " tõn vuu'dest leäi peâmmi ekka värddje'mmen čiočkres". Tâk innpõõ'ji re'ttlõ'stti peâmmi suõrggne kuuitâg â'ddren, gu Heärr a'ŋgğeli čuâžžai sij ooudâst. " Jeälled põllu" , leäi a'ŋgğeli vuõssmõs saakk suõrggnam peâmmjid.

Põõli võõidtummuš ij kuuitâg ni leâmmaž veâl peâmmji kuullâm ââ'lmõs- saakk , gu tõt leäi tät: " Tä'bbe lij ti'jjid David gâârtest šõddâm Spa'site'l. Son lij Kristõs, Heärr. Tät lij miârkan ti'jjid: tij kaunnve'ted pää'rn, kââ'tt leäšš kiõssum njuõžžkiđ seei'mest." Saagg kuullmest peâmmi vu'e'lgge kiõrrsânji mätkka viikkâđ saagg ooudâs. " Ââ'n Betlehema!", kollji sij tuâimmjemplaa'nes. Ij sõrgg, ij-ka jâđđä, ba ââ'n te'lles. A'ŋgğeli i'lmmtum saakk leäi ââsktam peâmmjid nu'tt puârast, štõ ääjtõõllma i'llääm sââ'jj.

Rosttovčuä'jte'e'lnn peâmmi liâ täujja čâr-roolâst. Mõõštâm jiõčč še, gu meerškooul rosttovprää'znkin čuõžžum siõmmna čõõrâst säu'nnkâhttan â'lnn da u'tree'lnkest kiõsslum re'ppkaž vuei'vstan. Tuõttää'sšen peâmmjin lij samai vääžnai vu'e'ss vuõssmõs rosttoviinn kiävmmõõžžin. Tõt leäi saagg viikkâm vu'e'ss.

Peâmmi tie'tte, štõ si'jjid õõlgi kaunnâđ päi'kk, ko'st pä'rnn liâžžii seei'mest. Gu sij kau'nne pää'rn, peäggte sij te'lles, mii si'jjid leäi pää'rnest sarnnum. " Puk, keäk ku'lle peâmmji saanid, le'jje õmmsest." Jiâ-ba peâmmi leâmmaž ni kuä'ss jorddam, štõ Vuâspâ'dd va'lljii samai si'jjid maai'lm histor mu'ttem saagg viikkjen.

Kuuitâg sami peâmmi vuâžžu lee'd vuõssmõõžž Isõõzz šõddmest peäggteei oummu. Peâmmi ooudârri viikkâm saakk lij seillam mo'ttjekâni pâ'jjel 2000 ee'kked! Tuäivvtummsuânji rosttov rämmsaakk âstt še tuu čâđđam. Mu'st tâbđđai, štõ tõt rämmsaakk lij tän poodd mi'e'ldd pâi jõllsõbân mo'ttjeei maai'lm kõõskâst ääi'jpoddsab gu ni kuä'ss: " Jeä'l põõl. Tu'nne lij šõddâm Spa'site'!" Blauslõvvum rosttov tu'nne da â'lddoummâäđ!

Oulust advee'nt vu'e'lnn 2019

Jukka Keskitalo
Oulu aa'rhelkââ'dd aa'rhel